



釋摩訶衍論卷第八

共十一

油
80.6
8

純如



門 八
806
卷 8



初日

釋摩訶衍論卷第八

龍樹菩薩造



已說解釋分次說修行信心分就此分中則
有七門云何為七一者能治所治契當門二
者信心品類分割門三者修行方便善巧門
四者廣釋廢事對治門五者讚歎三昧功德

門六者兩輪具闕益損門七者勸劣向勝不
退門是名爲七能治所治契當門者其相云
何本曰

是中依未入正定聚衆生故說修行信心分
論曰是中依未入正定聚衆生者即是所治
所謂所化之境界故故說修行信心分者即

是能治所謂能化之教法故所化境界其量
云何謂攝二聚之衆生故云何爲二一者邪
定聚二者不定聚是名爲二所以者何此二
衆生皆悉未入正定聚故言契當者其相云
何謂二衆生中各契教說故契相云何謂欲
被邪定聚衆生故說信心門欲被不定聚衆

生故說修行門所以者何進入次第其法亦
故謂未信人先起信故其已信人直修行故
復次通利益故 已說能治所治契當門次

說信心品類分剖門

本曰何等信心云何修行畧說信心有四種
云何為四一者信根本所謂樂念真如法故

一者信佛有無量功德常念親近供養恭敬
發起善根願求一切智故三者信法有大利
益常念修行諸波羅蜜故四者信僧能正修
行自利利他常樂親近諸菩薩眾求學如實
行故

論曰就此文中則有三門云何為三一者直

問信心品類門二者直問修行品類門三者
畧答顯示信心門是名爲三言直問信心品
類門者所謂惣問信心量故如本何等信心
故言直問修行品類門者所謂惣問修行量
故如本云何修行故就第三門中即有三門
云何爲三一者惣答門二者惣問門三者廣

論八

答門言惣答門者所謂惣答其所說故如本
畧說信心有四種故言惣問門者所謂惣問
其所說故如本云何爲四故就第三門中故
有四種門云何爲四一者信本令心平等門
二者信佛欣有功德門三者信法精進修行
門四者信僧令心無諍門是名爲四言信本

令心平等門者所謂樂信為自根本真如理
法由無明力種種差別一切諸心皆悉會一
令平等故如本一者信根本所謂樂念真如
法故故言信佛欣有功德門者所謂樂信無
上大覺如來世尊欣來所有無量無邊一切
功德故如本二者信佛有無量功德常念親

近供養恭敬發起善根願求一切智故故言
信法精進修行門者所謂樂信三世諸佛為
自恩父為自恩母為自恩師不能改壞不能
生滅虛空金剛不動軌則有不可思議中不
可思議殊勝利益常恒轉轉於一切時於一
切處修行一切助道品故如本三者信法有

大利益常念修行諸波羅蜜故故言信僧令
心無諍門者所謂樂信一切無量菩薩僧衆
以兩勝行為自內德若遠若近隨自聞時隨
自見時隨自思時往詣僧所至心聽受種種
深經種種深論種種深理種種妙事不斷絕
故如本四者信僧能正修行自利利他常樂
論

三日

親近諸菩薩衆未學如實行故已說信
心品類分割門次說修行方便善巧門
本曰修行有五門能成此信云何爲五者
施門二者戒門三者忍門四者進門五者止
觀門云何修行施門若見一切來來索者所
有財物隨力施與以自捨慳貪令彼歡喜若

見厄難恐怖危逼隨已堪任施與無畏若有
衆生來求法者隨已能解方便爲說不應貪
來名利恭敬唯念自利利他迴向善提故云
何修行戒門所謂不殺不盜不淫不兩舌不
惡口不妄言不綺語遠離貪嫉欺詐諂曲瞋
恚邪見若出家者爲折伏煩惱故亦應遠離

憤鬧常處寂靜修習少欲知足頭陀等行乃
至小罪心生怖畏慚愧改悔不得輕於如來
所制禁戒當護譏嫌不令衆生妄起過罪故
云何修行忍門所謂應忍他人之惱心不懷
報亦當忍於利衰毀譽稱譏苦樂等法故云
何修行進門所謂於諸善事心不懈退立志

堅強遠離怯弱當念過去久遠已來虛受一
切身心大苦無有利益是故應勤修諸功德
自利利他速離眾苦復次若人雖修行信心
以從先世已來多有重罪惡業障故為魔邪
諸鬼之所惱亂或為世間事務種種牽纏或
為病苦所惱有如是等眾多障是故應當

勇猛精勤晝夜六時禮拜諸佛誠心懺悔勸
請隨喜迴向菩提常不休廢得免諸障善根
增長故云何修行止觀門所言止者謂止一
切境界相隨順奢摩他觀義故所言觀者謂
分別因緣生滅相隨順毘跋舍那觀義故云
何隨順以此二義漸漸修習不相捨離雙現

前故若修止者住於靜處端坐正意不依氣
息不依形色不依於空不依地水火風乃至
不依見聞覺知一切諸想隨念皆除亦遣除
想以一切法本來無想念念不生念念不滅
亦不得隨心外念境界後以心除心心若馳
散即當攝束住於正念是正念者當知唯心
無外境界即復此心亦無自相念念不可得
若從坐起去來進止所作於一切時常念方
便隨順觀察久習淳熟其心得住以心住故
漸漸猛利隨順得入真如三昧深伏煩惱信
心增長速成不退唯除疑惑不信誹謗重罪
業障我慢懈怠如是等入不能入復次依

是三昧故則知法界一相謂一切諸佛法身
與衆生身平等無二則名一行三昧當知真
如是三昧根本若人修行漸漸能生無量三
昧

論曰就此文中即有五門云何爲五一者惣
標答前所問門二者通達惣問所說門三者
畧答建立門數門四者畧問廣答散說門五
者讚歎三昧殊勝門是名爲五言惣標答前
所問門者所謂惣答彼前問故如本修行有
五門能成此信故言通達惣問所說門者所
謂惣問其所說故如本云何爲五故言畧答
建立門數門者所謂建立大門數故如本一

者施門二者戒門三者忍門四者進門五者
止觀門故何故次第如是謂修行者六度次
第法如是故次就畧問廣答散說門中故有
五門故故有五門應審觀察此五種門中各
各具二門云何爲二一者畧問門二者廣答
門是名爲二如其次第不亂數量應審思擇

第一修行施門中言云何修行施門者即是
畧問門所謂問問故後後諸門應如是知就
廣當門中即有三種施云何爲三一者財物
施二者隨應施三者教法施言財物施者謂
若有衆生來到我所乞我所有則便不疑隨
時隨處皆悉施與無所顧惜故何等物名爲

財物耶有幾種物所謂有二種財物故云何
爲一者內物二者外物是名爲二就內物
中亦有二種云何爲一者無色二者有色
言無色者則是心識言有色者則是諸根若
有衆生來到我所乞我心識則便不惜隨時
施與令彼歡喜若有衆生來到我所隨其所
用乞我一有色妙根則便不惜隨時施與
令彼歡喜是名爲二種內財物就外物中亦
有二種云何爲一者有識二者無識言有
識者即是妻子奴婢等類言無識者則是官
殿舍宅衣服嚴具等類若有衆生來到我所
乞此等物則便不惜隨時施與令彼歡喜是

名爲三種外財物如本若見一切來求索者
所有財物隨力施與以自捨慳貪令彼歡喜
故已說財物施次說隨應施云何名爲隨應
施耶謂或有衆生五根壞失不能具足或有
衆生病苦無量不得安隱或有衆生其心思
凝不能明了行者尔時以賢士則隨其所應

隨其所當隨其所宜隨其所用能善簡擇能
善分別除彼苦惱令歡喜故是故說言隨應
施焉如本若見厄難恐怖危逼隨已堪任施
與無畏故已說隨應施次說教法施云何名
爲教法施耶謂有衆生若時不時若親不親
若貴不貴若愚不愚若夫不夫若女不女若

惡不惡若人不人如是等類來到我所欲求
法時則便不惜發起無量無邊廣大圓滿大
慈悲心決斷彼疑分除煩惱徐增智惠攝取
彼人不墮惡道令到無上大菩提故是故說
言教法施焉如本若有衆生來來法者隨已
能解方便爲說不應貪求名利恭敬唯念自

四日

利利他迴向善提故故 已說修行施門次
說修行戒門就此門中則有四門云何爲四
一者建立戒相標宗門二者成就戒品勝處
門三者具足戒行不輕門四者守護不令誹
謗門是名爲四言建立戒相標宗門者所謂
建立十種清淨防轉戒故如本云何修行戒

門所謂不殺不盜不婬不兩舌不惡口不妄
語不綺語遠離貪嫉欺詐諂曲瞋恚邪見故
言成就戒品勝處門者所謂若為具足戒品
常當遠離散乱雜處常當親近寂靜勝處安
住其中不捨離故如本若出家者為拈伏煩
惱故亦應遠離憤鬧常處寂靜故言具足戒

行不輕門者所謂修行種種妙行起深信心
不得輕賤如來所制師母戒故如本修習少
欲知足頭陀等行乃至小罪心生怖畏慚愧
改悔不得輕於如來所制禁戒故言守護不
令誹謗門者所謂護持佛眼精戒終不被失
具足自利種種放逸譏嫌衆生不令發起妄

想過罪具足利他圓滿莊嚴大覺海故如本
當護譏嫌不令衆生妄起過罪故故 已

說修行戒門次說修行忍門就此門中即有

二門云何爲二一者顯示畧忍伏我門二者

顯示廣忍無我門是名爲二言顯示畧忍伏

我門者所謂若有衆生造作惡阿世耶之竟

論八

念惱我心行者今時其心能忍不動惱故如

承云何修行忍門所謂應忍他人之惱心不

懷報故言顯示廣忍無我門者所謂或有衆

生以飲食衣服等種種財物施與我所利益

歡樂或有衆生以劔杖等種種怖相來到我

所損滅我依正念不得自在或有衆生以鹿

五日

惡誹謗等種種穢語若遠若近毀嫌於我或
有衆生以正住等種種德讚歎我身於如是
等種種事中其心平等堅固不動如須弥故
如本亦當忍於利衰毀譽稱譏苦樂等法故
故已說修行忍門次說修行進門就此門
中則有二門云何爲二一者通示修行精進

明二者別釋修行精進門言通示修行精進
門者所謂於諸種種妙事其心轉勝勤欲精
進終不息故如本云何修行進門所謂於諸
善事心不懈退立志堅強遠離怯弱故就別
釋修行精進門中故有二門云何爲二一者
無障修行精進門二者有障修行精進門言

無障修行精進門者所謂行者作如是念我
從無始過去時來唯受虛妄不實身心都不
能受金剛不壞之身心者無餘因緣唯妙行
中不勤行故我若懈怠如前不行向未來去
亦復受都無有利益虛妄身心無出離期我
自身尚不得出離都失自利何況救濟所餘
種種有苦眾生具足利他作是念已則便發
起大精進心修行行因之海莊嚴滿德之果
建立兩利無缺偏故如本當念過去又遠已
來虛受一切身心大苦無有利益是故應勤
修諸功德自利利他速離衆苦故言有障修
行精進門者所謂若有眾生有無始過去之

餘業障故為魔外道及惡鬼神之所惱亂不能修行或有衆生為現在世種種事務之所牽纏不能修行或有衆生為一切諸種種病苦之所逼惱不能修行如是等諸衆生雖耳聽聞軌則尊辭眼中觀見文教說相而不能勤修行生耽來心然若其心勇猛精進發起

種種勝妙方便存堪任心業障之海漸漸波息功德之嶽旃旃峯高八風不飄九結不縛故如本復次若人雖修行信心以從先世來多有重罪惡業障故為魔邪諸鬼之所惱亂或為世間事務種種牽纏或為病苦所惱有如是等衆多障礙是故應當勇猛精勤晝夜

六日

六時禮拜諸佛誠心懺悔勸請隨喜迴向菩提常不休廢得免諸障善根增長故故
說修行進門次說修行止觀門就此門中即有四門云何為四一者揔標揔釋止輪門二者揔標揔釋觀輪門三者畧釋決擇隨順門四者廣釋決擇止輪門是名為四言揔標揔釋止輪門者謂止慮知之心礙散乱之思安住於一中寂靜性不出於一切境界相隨順定標陀阿羅觀義故如本云何修行止觀門所言止者謂止一切境界相隨順奢摩他觀義故故言揔標揔釋觀輪門者謂明簡擇因緣之道理審分別無常之形相能善通達能

善遍知隨順觀標陀阿羅觀義故如本所言
觀者謂分別因緣生滅相隨順毘跋舍那觀
義故故言略釋決擇隨順門者謂定隨時彼
觀則順觀隨時中彼定即順具足具足不離
轉故如本云何隨順以此二義漸漸修習不
相捨離雙現前故故就廣釋決擇止輪門中
則有四門云何為四一者成就止輪因緣門
二者直示修行止輪門三者修行止輪得益
門四者簡入不入分際門是名為四就第一
成就止輪因緣門中則有十五種云何為十
五二者住處寂靜因緣二者獨一不共因緣
三者所居方善因緣四者衣服具足因緣五

者飲食具足，因緣六者結界護淨，因緣七者
舍宅造立，因緣八者言語不出，因緣九者座
像造立，因緣十者坐其座中，因緣十一者出
入時節，因緣十二者知識善友，因緣十三者
知邪正，因緣十四者植善林樹，因緣十五
者字輪服膺，因緣是名十五種大因緣。言住

七日

處寂靜，因緣者謂若為修彼止輪門，居山林
等空閑處，中遠離散亂聚落處，故所以者何
散亂處中，彼止輪門難成就，故言獨一不共。
因緣者謂若為修彼止輪門，一界內中二人
共住，不得理政，所以者何？互動煩故。言所居
方善，因緣者謂若為修彼止輪門，居止東西

之兩方中_ニ南北方中_ニ不得_レ居_ル故_ニ所以者何有_ト
覺輪故_ニ言_フ衣服具足_ニ因緣者謂_ク若_シ為_ス修_ム彼止_ル
輪門_ニ必_ズ當_ル用_ル三種_ノ衣_ヲ故_ニ云_フ何_カ為_ル三_ト一_ト者_ハ黃色_ニ
二者_ハ赤色_ニ三者_ハ白色_ニ如是_ニ三衣_ハ一時_ニ同_ク用_ル故_ニ
所以者何_ト毘_ト又_ト羅_ト面_ト不能_レ入_ル故_ニ言_フ飲食具足_ニ
因緣者謂_ク若_シ為_ス修_ム彼止_ル輪門_ニ必_ズ當_ル用_ル乾_ニ練_ニ伽_ト
摩_ト伊_ト陀_ト耶_ト所_レ餘_ノ穀_等不能_レ用_ル故_ニ所以者何_ト彼_ト
伽_ト摩_ト伊_ト陀_ト耶_ト有_ル仙_性故_ニ復_ニ次_ニ若_シ無_ク用_ル婆_尼羅_等
等_ヲ故_ニ受_ル用_ル時_節唯_ニ用_ル自_中無_キ有_定故_ニ言_フ結_界
護_淨因緣者謂_ク若_シ為_ス修_ム彼止_ル輪門_ニ離_自居室_ヲ
一俱盧舍量_中誦_ス一百_十遍_大神咒_其相_云
何_謂即誦_咒言_ク

坦啞咄那羅帝婆又尼阿摩哪迦陀帝婆婆
阿婆婆啾陀闍佉那郎呵伊陀帝奄奄奄奄
帝哆跋陀陀哪摩那尸只帝奢陀尼筏叉羅
尼鳩訶阿訶鳩多呬奄阿陀陀帝摩訶伽耶
帝摩訶阿伽耶帝鍵多尼阿羅阿羅阿羅阿
羅阿羅阿羅阿帝婆婆訶

若誦此咒已訖即便結界護淨所以者何種
種毒類不能入故言舍宅造立因緣者謂若
為造修定舍宅當具十事云何為十一者門
戶事唯向東方非餘方故二者高下事東方
漸高西方漸下故三者方角事於一方中各
一丈故四者品重事重十重故五者作物事

唯用五種非餘種故云何為五方一者金二者
銀三者銅四者鐵五者松木是名為五六者
戶墻事等其地量無差別故七者戶車事重
十戶故八者戶樞事無音聲故九者壁牆事
其高一丈重十重故十者出入事彼諸戶中
各誦咒故其相云何謂若為出即誦咒言

喃嚩唵帝摩訶毘那阿羅婆提陀陀阿

度般枳阿枳尸遮婆訶諾帝婆枳摩毘嚩婆

枳摩阿那阿那尸枳尼尸枳婆婆呵

若此神咒誦一千遍即便順時皆悉開通若
為入時則誦咒言

南無嚩枳那南無筏尸陀南無誦阿帝南無

誦阿喇那南無鍵陀尼婆娑呵

若此神咒誦一千五百遍已訖即便順時皆
悉開閉言言語不出因緣者謂若為修彼止
輪門於一切時於一切處不出言故所以者
何隨其言說心識出故言座像造立因緣者
謂若為造修定座像當具五事云何為五一

八日

十三

者作物事用松木故二者高量事如自身半
不增減故三者方角事於一方中各四尺故
四者方向事唯向東方非餘方故五者座上
具事唯用黃陀羅帝及黃坐具故是名為五
言坐其座中因緣者謂若為修彼止輪門當
具十事坐其座中云何為十一者足等事兩

膝末中其兩母指互相契當令無差故二者
膝等事兩膝平攝令無差故三者腰端事其
腰端直無馮迴故四者手累事兩手相對右
手爲下左手爲上右手爲下左手爲上經一
日已互互易變不忘失故亦復其手置根上
故五者頸端事其頸之質端直不動定建立

故六者面端事其面相貌不仰不俯令平相
故七者口相事其口之相不廣不狹開中間
故八者鼻相事出其氣息令無差違不出
故九者眼相事其眼根量木上木下平等舒
故十者止眼事置其眼根處安置大虛空字
輪中恒不離故是名爲十言出入時節因緣

者謂若為修彼止輪門唯用辰及午之二時
此餘時中不出入故言知識善友因緣者謂
若為修彼止輪門深智慧人以為友故言印
知邪正因緣者謂若為修彼止輪門隨其像
量須金剛印則便了知邪及正故其相云何
謂則誦咒言

坦啞吽嚩那鄒陀帝婆羅枳陀尼遮吽嚩
耶掩阿尸帝那娑婆阿

若此神咒誦四千六百五十遍已訖即彼像
中付二字輪謂若邪人付邪字輪若正直人
付正字輪以之為別言植善林樹因緣者謂
若為修止輪門又自室前中植二種大吉祥

草故云何為二一者松木二者石榴木是名
為二言字輪服膺因緣者謂若為修彼止輪
門人必當服圓字輪而已服何處耶謂方寸
處故以何義故必付此輪謂此字輪三世諸
佛無量無邊一切菩薩大恩師長大恩父母
大恩天地大恩海故此因緣故為修正人當

九日

行此輪如是因緣雖有無量而今此摩訶衍
論中明第一因緣不明餘者塞初攝後故如
是而已如本若修止者住於靜處故已說成
就止輪因緣門次說直示修行止輪門就此
門中則有七門云何為七一者存心決定門
不生不滅真空理中其心定故如本端坐正

意故二者不著身體門能善通達此身空無
其本自性不可得故如本不依氣息不依形
色不依於空不依地水火風故三者不著心
識門能善通達慮知之心自性空無無所有
故如本乃至不依見聞覺知一切諸想隨念
皆除亦遣除想故自此已下作其身心空無

因緣如本以一切法本來無相念念不生念
念不滅亦不得隨心外念境界故四者不著
不著門能遣之心亦遣除故如本後以心除
心故五者集散會一門攝散動心置一中故
如本心若馳散即當攝束住於正念故六者
顯示正念門顯示諸法唯一心故如本是正

念者當知唯心無外境界即復此心亦無自
相念念不可得故七者不離恒行門如是定
心於一切時於一切處常恒相續不捨離故
如本若從坐起去來進止所作於一切時常
念方便隨順觀察故已說直示修行止輪門
次說修行止輪得益門謂若有人能修此定

十日
漸漸轉轉竭煩惱海崩業障斷入真如定是
一切法到不退故如本久習淳熟其心得住
以心住故漸漸猛利隨順得入真如三昧經
伏煩惱信心增長速成不退故已說修行止
輪得益門次說簡入不入分際門就此門中
即有二意云何為二一者入趣意二者不入

意言入趣意者所謂或有衆生趣入深法心
無所疑或有衆生聞甚深法其心決定不生
不信或有衆生聞甚深法即便尊重不生誹
謗或有衆生無重業障或有衆生無我慢心
或有衆生無懈怠心如是大入佛種性決
定不疑是名入趣意焉言不入意者所謂若
有衆生此六相違永斷絕三寶之種子決定
不疑是名不入意焉如本唯除疑惑不信誹
謗重罪業障共慢懈怠如是等入人所不能入
故已說畧問廣答散說門決說讚歎三昧殊
勝門就此門中則有二門云何爲二一者體
大無邊殊勝門二者眷屬無盡殊勝門是名

爲二言體大無邊殊勝門者修此三昧通達
一切無量諸法同體一相無差別故如本復
次依此三昧故則知法界一相謂一切諸佛
法身與衆生身平等無二則名一行三昧故
言著屬無盡殊勝門者所謂即是真如三昧
能爲一切無量無邊金剛三昧作正根本而
能出生增長故如本當知真如是三昧根本
若人修行漸漸能生無量三昧故

